

**BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKA ŽUPANIJA/KANTON
GRAD MOSTAR
GRADONAČELNIK**

Broj: 02-11-4682/20
Mostar, 16. 04. 2020

Na osnovu članka 36. Zakona o proračunima/budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), Proračuna/Budžeta Grada Mostara za 2020. godinu i Odluke o izvršenju Proračuna/Budžeta Grada Mostara za 2020. godinu („Službeni glasnik Grada Mostara“, broj 2/20), gradonačelnik Grada Mostara, uz suglasnost načelnika Odjela za financije i nekretnine, donosi

**ODLUKU
o privremenim mjerama za
uravnoteženje-racionalizaciju Proračuna/Budžeta Grada Mostara**

Članak 1.

Zbog proglašenja stanja nesreće (Odluka o proglašenju nesreće uzrokovane pojavom korona virusa (COVID-19) na području FBiH, „Službene novine FBiH, broj 21/20), očekuje se značajno smanjenje u prilivu sredstava/prihoda u Proračun/Budžet Grada Mostara za 2020. godinu, što će se odraziti na tekuću likvidnost istog, te se nalažu sljedeće mjere:

1. Obustavljaju se sve aktivnosti javnih nabavki, osim onih koje su neophodne za funkcioniranje Grada Mostara koje se vrše iz općeg fonda (111).
2. Obustavlja se izvršenje Proračuna/Budžeta Grada Mostara za 2020. godinu na sljedećim proračunskim/budžetskim pozicijama:
 - a) 613000 - Izdaci za materijal, sitan inventar i usluge, umanjuju se za 20% na mjesečnom nivou općeg fonda (100), namjenska sredstva (fond 200) će se trošiti u skladu sa prilivom istih,
 - b) 614000 - Tekući grantovi umanjuju se za 10% osim plaća korisnika, te se obustavlja isplata grantova za projekte koje se financiraju iz općeg fonda (111), a nastavlja se realizacija namjenskih sredstava koje su uplaćeni na račun Grada Mostara od viših nivoa vlasti i međunarodnih organizacija (fond 400 i 500),
 - c) 615000 - Kapitalni transferi za sufinansiranje koji se isplaćuju iz općeg fonda (111) obustavljaju se u cijelosti, osim namjenskih sredstava (fond 200) u skladu sa prilivom sredstava i sredstava doznačenih na račun Grada Mostara od viših nivoa vlasti i međunarodnih organizacija (fond 400 i 500),
 - d) 616000 - Kamata po kreditima plaćat će se po preuzetim obavezama,
 - e) 821000 - Kapitalni izdaci iz općeg fonda (100) obustavljaju se u cijelosti, dok će se kapitalni projekti iz namjenskih sredstava izvršavati u skladu sa prilivom sredstava (fond 200) i sredstava grantova doznačenih od viših nivoa vlasti i međunarodnih organizacija u skladu sa prilivom (fond 400 i 500),
 - f) 82300 - Otplate kredita se izvršavaju u cjelini prema preuzetim obavezama.

Članak 2.

Izuzetno od članka 1. ove Odluke, Gradonačelnik može u opravdanim slučajevima odobriti izvršenje rashoda za koje su obaveze nastale prije donošenja Odluke ili su od općeg značaja za zdravlje građana i zaštitu okoline.

Članak 3.

(1) Grad Mostar može u vrijeme stanja nesreće preusmjeriti slobodna novčana sredstva sa posebnih računa Grada Mostara (Naknada za održavanje i izgradnju javnih skloništa, Naknada za eksploataciju mineralnih sirovina, Sredstva od prodaje nekretnina u vlasništvu Grada Mostara) i to do iznosa od 70% sredstava koja se u trenutku donošenja Odluke o pozajmici nalaze na računu.

(2) Grad Mostar se obavezuje da će sukcesivno po prilivu sredstava, a najduže u roku od jedne godine nakon donošenja odluke o prestanku stanja nesreće, izvršiti povrat novčanih sredstava posebnih namjena.

Članak 4.

Proračunskim/Budžetskim korisnicima iz oblasti kulture, predškolskog obrazovanja, socijalne zaštite te ostalim institucijama koje se financiraju iz Proračuna/Budžeta Grada Mostara, a kojima se doznajuju grantovi za plaće (tekući grantovi), izdaci za plaće ostaju na istom nivou, ali su dužni dostaviti kopije računa materijalnih troškova iz prethodnog mjeseca da bi se mogli sačiniti INT obrasci sa stvarnim potrebama novčanih sredstava.

Članak 5.

Obustava izvršavanja rashoda Proračuna/Budžeta iz članka 1. ove Odluke odnosi se na mjesec travanj/april 2020. godine, uz mogućnost produženja.

Članak 6.

Dok traje stanje nesreće uzrokovano pojavom korona virusa (COVID-19) obustavlja se prijem novih uposlenika.

Članak 7.

Za realizaciju ove Odluke zadužuju se svi proračunskim/budžetski korisnici Grada Mostara.

Članak 8.

Za nadzor nad primjenom ove Odluke određuje se Odjel za financije i nekretnine.

Članak 9.

Ova Odluka stupa na snagu narednog dana od dana donošenja, a biće objavljena u „Službenom glasniku Grada Mostara“, oglasnoj ploči i WEB stranici Grada Mostara.

Odjel za financije i nekretnine

Načelnik


Izet Šahović



Gradonačelnik


Ljubo Bešlić

OBRAZLOŽENJE

Članak 36. i 37. Zakona o proračunima u FBiH, propisuju da se može donijeti odluka o obustavi pojedinih rashoda i/ili izdataka, po alinejama kako je u istima navedeno.

Odluka se donosi zbog proglašenje proglašenja stanja nesreće, te se očekuje „pad“ proračunskih/budžetskih prihoda u sferi direktnih poreza prometa nekretnina (Poreza na imovinu), većeg broja otpuštanja uposlenika što vodi do smanjenja ostvarenja poreza na dohodak, umanjene potrebe za električnom energijom zbog obustavljanja proizvodnje, prometa naftnim derivatima umanjena investicionog ulaganja, zabrana rada pojedinih trgovina iz oblasti hotela, priliva turista i umanjene opće potrošnje.

Ako se za vrijeme provođenja mjera privremene obustave izvršavanja proračuna/budžeta, budžet ne može uravnotežiti, u roku 15 dana prije isteka roka za privremenu obustavu izvršavanja proračuna/budžeta pristupa se izradi izmjena i dopuna proračuna/budžeta. Izmjene i dopune proračuna/budžeta vrše se po istom postupku koji se primjenjuje kod donošenja proračuna/budžeta. U toku postupka izmjena i dopuna proračuna/budžeta Gradonačelnik može na prijedlog Načelnika Odjela za financije i nekretnine produžiti privremenu obustavu izvršavanja pojedinih izdataka.

Sredstva općeg fonda definirana su Uputstvom o načinu evidentiranja prihoda, primitaka rashoda i izdataka Proračun/Budžeta Grada Mostara po pojedinim fondovima („Službeni glasnik Grada Mostara“, broj 14/17).

Pozajmljivanje sredstava sa drugih namjenskih računa, kako je navedeno u članku 3. Odluke, koristiti će se za poslove iz oblasti komunalne ili neke druge potrebne djelatnosti koje su u nadležnosti Grada Mostara.